

五  
研  
齋  
詩  
鈔

五硯齋詩鈔卷十五

仁和 沈赤然 韞山

寄愁集

題穎小影二首

爾貌休論肖與非  
爾身永不膝前依  
忍教一幃寒牕下  
無語看余淚獨揮

一領藍衫圖紙上  
十年老父課燈前  
西風九月菰城路  
從

此傷心不放船

赴試湖州  
余必與俱

書汪孝廉應培芋墅詞鈔後二首

吳堯山色落檐楹  
餘不溪流徹底清  
添個詞人譜漁笛  
曉風殘月唱春城

東坡全集卷之十  
十一  
翦葉裁花憶少年老來耑力只詩篇余少時亦喜作詞三十後絕不復譜因  
君又買紅牙拍重譜新詞付麗娟

次韻范讓水文緯見贈

拙宦歸來已倦遊雪中鴻爪舊空留因多白髮愁窺鏡爲  
少青山不上樓耽句轉忘生計苦寡交常覺弊居秋逢君  
卻恨知君晚好把餘年付唱酬

讓水再賜贈章疊前韻奉荅

嬾向長安策馬遊卻貪魚鱉此淹留讓水自都門歸杭後一歲中數往來新市

坐斜庭日斟村酒臥聽漁歌繞市樓半里匪遙蹤自遠廿  
年重遇鬢同秋欣看妙句頻揮寄只恐難將白雪酬

再疊前韻荅讓水來什

無聊也想作清遊何處能爲半日畱但向畫中捫石壁時  
從夢裏坐江樓掃門且喜延新雨繞膝那堪憶去秋百歲  
與君同此恨讓水令嗣  
孝廉早歿詩來含淚強相酬

仲青巖招飲觀菊卽席感賦

花開花謝總關情對酒悽然百感生莫怪向花頻拭眼看  
花不似去年明

謝范讓水餉越酒

年來越釀價頻增見餉渾如錫百朋卻笑僕非何次道不  
圖君是長孫登鏡湖春滿愁人腹茆屋寒挑短燄燈明日  
酒醒無可報強裁四韻手親謄

過讓水寓齋畱飲暢讀所著詩卽疊前韻奉謝

吟壇舊侶減無增且喜西南又得朋

讓水寓樓在  
余宅西南

壁壘豈

容吾獨固蝨弧合讓子先登三杯說士差勝肉盡日談龍  
欲繼燈安得詩囊遍搜取長哦細論倩人謄

讓水復贈詩過獎余作令時事再疊前韻誌媿

頭銜手板俗塵增回首青雲羨友朋百里濫竽糜俸八八

年無穀看農登

余所至輒  
逢水旱

隨身長物唯存硯照屋清光卻

媿燈醉後妄談何足聽又勞歌咏付傳謄

吳茂才鉛孫初不識余頃見與讓水酬倡詩次韻投

贈三疊前韻報之

野性依然馬齒增酒朋聯後又吟朋欣看珠玉隨風落擬  
掃庭除肅子登市隱固知難遠俗詩禪敢信可傳燈論癡

符在從評點

茂才先從讓水處觀子五視齋詩鈔

未用書人買紙牋

碧浪湖秋泛歌

玉湖之水秋更清塔影倒臥玻璃平扁舟泛泛小如葉白蘋紅蓼紛相迎羣山匝匝有涼意杳然天界晶晶香來遙知山桂發帆過偶隔林影明我欲弄鐺笛只愁巨鼇翻背浮玉傾逸老喚不起尊酒獨酌自與鷗鷺盟碧波汙汙去無聲臥聽菱歌唱入城

招讓水小酌不至四疊前韻書悶

何事能教逸氣增暫憑尊酒對良朋頓排密霧青霄坐似御輕風太華登悵絕不來虛望眼兀然獨醉守寒燈後期重訂還過否鼎飯新方一笑膾

送讓水還武林五疊前韻

住意何如去興增，舊朋應自勝新朋。  
家庖易得圍爐醉，湖舫遙知戴雪登。  
整罷架書籤盡字，歸從吟社市初燈。  
夜航船上詩筒便，莫吝新篇好寄騰。

長至日六疊前韻寄訓讓水舟中見懷之作

離思新從別後增，故鄉翻作異鄉朋。  
余歸田八年至今猶僑居新市魚書

有水終能達鷺嶺，如天不許登我自冷。  
過長至節君應先買上元燈，何年張陸牆根共鎮日。  
聯吟手倦騰。

前閱邸抄知潘松心引疾得請，竊喜相晤有期矣。頃詢其鄉人言，交替未竟已歿於廣宗寓館，爲之涕泗不食者終日夜。坐無聊，檢得松心去年十月寄簡并

自題荷鋤圖詩十二首循誦數過益悲不自勝賦五律四首誌痛

只道歸期近偏將歿日傳乍聞疑未確永訣恨無緣旅櫬  
三千里交情十八年此生惟淚淚洒向望邊天

二  
著述揮椽筆功名駕土牛衰年猶作宰半世總懷憂未卜  
黃山築先成白玉樓飄零三十口何日上歸舟

三  
閒適吾叨早年年遲子回豈知眠不起未必夢能來月落  
楓林黑霜嚴雁唳哀篋中詩札在悽絕轉頻開

四



推許非阿好相知在不言心難如石轉手肯作雲翻解脫  
君長逝支離我僅存從今無北信鴻雁任高鶩

寄吳穀人五十韻

人事浮雲改襟懷老境殊動爲連歲別祇恃兩情孚白水  
盟猶記青山計豈迂偶然思夙訂不禁發長吁結社丁年  
始乾隆丁亥始與穀人結  
文社同硯席者凡七輩操毫丙夜俱妙才羣讓爾豪氣  
獨推吾雖以弦韋贄都無尺度拘文成瑕互摘飲散醉交  
扶善謔原非虐安貧不解虞往來家犬識名姓隴禽呼私  
願聯雲轡相將上

帝都卻慚先賣匱

戊子余舉於鄉

可惜竟遺珠北策金臺馬南浮

建德臚

已丑余北上穀人亦有嚴州之行

嚴陵山色好燕市酒朋無因泣

腮連暴貧悲口卒瘡詩筒千里絕遊屐一身孤彼祀常勞

陟黃萱忽痛枯跟踉歸讀禮踏蹬割逢軋近局仍親密佳

文更煥敷三秋垂鐵網七尺起珊瑚附尾同隨計呼盆獨

得盧甲午乙未穀人連戰皆捷授庶常升沈從此異枯槁幾時蘇鳳璞難

名玉羊腸更策駑一官聊爾爾百里敢于豈有蒙書勒

休誇縣譜符懦非錫戴帽智昧盜持蘆且喜離非遠相思

晤易圖余前後五任皆在畿輔每于役過都輒與穀人談飲數日出詩交把讀對酒雜

椰揄清美淹年月穀人為編修二十年風塵變髮鬚君猶歸未決我

已痿難趨庚戌九月余以足疾乞罷先後如相約艱難亦足娛只知同

里閉不料異杭湖余僑居德清之新市鎮屋是鄰居肆人非舊酒徒

杜門龜縮首剪翮鶴窺筱苟簡田堪賴莊子食於苟簡之田立於不貸之圃

清涼散不須西溪重問訊北轍又驅騶癸丑冬穀人入都供職章服

年三改鑿坡日每紆方看霜翮健頓慕綵衣嘉慶丁巳穀人乞終

歸鳥鳥情初遂桑榆景遠徂造談苦由次辱訪水雲區戊午

正月穀人主講揚州安定書院順道過訪講席爭延范科條悉仿胡風吹萍暫

合鼈慕驥何愚老去羞三窟旬餘哭兩雛不愁明欲喪豈

敢叫無辜書籍從生蠹軒牕任網蛛中宵眠更起一固飯

難踰往事如泡影餘年付酒罇聊籌婚嫁畢便作獸禽通

蔗境先生樂楸枰賤子輸一言須記取吳地足尊鱸

食羊尾戲咏四十字

竟體無如此冬來飫老饕軟堅唯熱酒切玉只鉛刀膩勝

山諸細肥非雁翠臊尾株紅一點玫瑰嵌糍糕

同年許方伯祖京辱訪率賦三絕奉簡

雲泥懸隔廿年疎恭儉依然未貴初兩岸市人都不識一  
舟如葉問吾廬

胸中名位兩相忘絮語平生數輩行九十四人無幾在知  
公容我獨疎狂

休因老病便懸車坐鎮猶能致令譽好上九天霖雨畢歸  
來風月狎樵漁

范讓水戴雪過訪盛稱西湖新建坡翁祠祀事月修  
名流咸集欣然神往爲之作歌

滿天風雪晝掩門君來頓覺冷舍溫一身繖屐得無苦濺  
泥不惜衣上痕問余雅事可知否乩壇近降坡仙魂別啓

新祠俯湖水一月一薦湖中繫就中觀察風雅首

秦小覲觀察

領袖羣彥來駿奔禮成竟日共觴詠脫略勢位道是敦偶  
歸遂獲與高會此風近來誰復論我聞欣然爲神往自恨  
寂處三家村幸公英靈在天下公詩能讀公卽存明朝當  
自致薄薦菱粟滿盤酒一尊賦詩遺君代割爓

讓水見餉蚶子炙鴨賦此奉謝卽邀同嘗

畱君一飯不肖止遣奴惠我瓦屋子佐以炙鴨大且肥此  
品吾杭稱絕技得一已足況乃兼無怪連朝動食指從來  
投桃必報李可憐此地惟羊豕敢將肉食惱先生聊荅深  
情詩一紙還陳君物遲君嘗稍洒新來老饕恥

對雪有感

白似頻年白情非往歲情撒鹽誰待詠讀雪已無聲但覺  
寒侵骨渾嫌舞眩睛下簾愁欲睡急喚酒杯傾

邀讓水午飯卽作竟日談恐其因雨不至詩以速之  
李充豈是啖肉口庾郎鮭菜只有韭非緣要與細論詩忍  
令拖泥帶水走交游息絕老寂寥人自難合謂我驕愛君  
意氣邁凡俗能不來同餐脫粟

脫粟安可畱嘉賓之子匪因飲食親人生臭味苟不合華  
筵枉說羅八珍風雨蕭蕭逼歲暮垂老誰能營碎務來賦  
坡翁生日詩莫愁泥滑晚歸遲

讓水以寒疾不至戲簡二絕句

殘冬天自無情雨寒疾君偏不可風如此寂寥如此悶商

三石齋詩集卷之三  
十一  
量獨將酒兵攻

頻邀小酌總無緣  
厨婢空勞爍復煎  
一笑舉家真幸事  
唐園腹裏得腥羶

春杪至武林寓顧春岷綠舫雨夜與無錫程開泰韻

篁對榻論詩明日次韻之作

已未

風雨愁聽枕上更  
臥談詩覺齒芬清  
小調螺黛眉偏好  
不闢蠶叢道亦平  
真氣獨完銷客氣  
深情難寫託閒情  
何妨大呂黃鐘外  
別奏松濤赴壑聲

綠舫左右薔薇木香盛開口占二十八字

惱人十日九逢雨  
浪說春來夏始歸

凝立夏後二日返新市

只有庭

花能愛客薔薇爭放木香肥

立夏日春崖開櫻筍厨暢飲卽席口占

堂堂春自雨中去我欲畱之春不還借得主人櫻筍酒却  
回春色駐衰顏

別程韻篁先歸新市

嬾拙新來不放顛愛君才調正青年春風有意吹萍合夜  
雨無情對榻眠揮麈清談皆玉屑探囊好句總珠串相逢  
忽漫相違易不及楊花送客船

自武林還范讓水來詢湖上之游口占奉荅卽用與  
韻篁論詩韻

春風又笑鬢毛更只有湖光似舊清三百青錢貧飲盡一  
雙蠟屐雨游平故人漸少誰爲主老屋頻經最繫情輸與



先生居福地年年畫舫聽鶯聲

海鹽馮丈耆菴挽詞

鮑郎浦外水連天海上何時鶴馭還泥詔墨新萊舞歇影  
堂人靜漆燈然徒聞耆德傳千口難挽紅塵駐百年家號  
孝馮真不媿靈芝白兔繞墳前

鄴中記馮肅廬有靈芝白兔之瑞時號孝馮

畱范讓水小酌并觀明代諸賢墨帖二首

初夏清和尚似春打頭矮屋卻無塵櫻珠豆莢畱君住風  
味居然一野人

欲睡知君苦晝長爲陳墨妙知縑囊百番看盡眉稜重簾  
外風來吹古香

酬讓水觀明賢墨帖之作仍用與程韻篁論詩韻

休問流傳姓幾更墨光猶是昔年清偶然入手非關癖暗裏投珠可不平一代名公歸陋室百番棊几愜閒情請君試向行間聽尚有春蠶食葉聲

打麥行

打麥復打麥用力不敢惜積草高如梁揚秕散成雪嬌女前致詞請糶市繪帛老婦前致詞請糶修破宅老翁聞言但感額今年雨水寬一尺偶爾豐收到磽瘠官逋私負紛絡繹爾曹何爲太相逼女聞嬌欲啼婦聞面發赤似此豐收亦何益來年不爲翁打麥

四月十四日同年章實齋學誠自平湖還山陰枉駕見訪談飲極歡爲賦長歌贈之

章侯文章伯

實齋長於史學  
尤工古文詞

迂懶乃成癖有官不肯謁選

人去作諸侯老賓客愛才近數舉中丞以禮爲羅以道辟

琳瑯杞梓莫不儲幕府朝朝如寶舶章侯後往轉居上一

笑公然似薪積論文時粲李白華談史直奪劉元席翻翻

舌底生波濤頓覺三湘九江窄欣然秉筆修楚志百四十

縣紛沿革發凡起例驚羣蒙削誤鐫譌精討覈三年置局

始成書一字無人敢裁益橐中潤筆數千緡已擬歸營鑑

湖宅豈知書生心計疎一朝盜賊生肘腋

實齋有感其同  
在楚中爲其經

理局務信之不疑一  
且盡卷其所有而去鵞鵬已翔寥闊天羅者空煩視藪澤

中丞更命作史考一字一縑當不惜陸梁羣醜熾楚氛交

午軍書朝復夕江漢湯湯未肅清峨峨松已崩千尺文章

知己更依誰惆悵歸來歲三易今年訪我清溪東  
馨欬依

然貌非昔寒燈話別密雲山

戊申十月余奉檄除道密雲山中實齋時將適楚自都門

訪余旅館談飲竟夜而別

十二春秋梭一擲水鄉無物佐清尊但摘櫻

桃煮鮮鮓知君重聽請筆談紙盡十番無寸隙酒闌燭  
尚未休淡墨欹斜塗素壁我憐君無窟可營君笑我無田  
可闢不見鷺鷥自肥鶴自瘠願君從此歛奇翮好將著述  
壽金石越山蒼蒼越江碧

鬻宅後傲空舍暫居雪樵弟病中賦五律四章見示  
頗寓感惜之意次韻荅之

破宇傾囊買生涯失硯耕地偏成懶拙交慎罕招迎枳棘  
牆根刺鴝鷓屋角聲

所居後圃有大枳一本叢刺可畏舍東林木陰翳朝夕多鴝鷓聲

西

溪應笑我徒有白鷗盟

傳舍人間世何妨更卜居梁空從睇燕池涸合遷魚嬾徙

親栽竹頻肩自校書漫嘲輕棄故新更是僑廬

謂僑居也

亦有難忘處東鄰驥骨奇

雪樵宅在余舍東

不愁貧欲死肯爲病

妨詩我媿梅兄雅君真酒弟癡猶能望衡宇無用苦相思

誰家庭院敞許我刈蒿萊偶爾泥甌爪何勞手植槐揮毫

臨褚柳依韻和歐梅安得皆君輩頻頻載酒來

疊前韻奉酬范讓水吳語石送移居作

歸來生計拙慵釣復慵耕九載兩遷徙比鄰頻送迎徒甌

埋筆塚應少讀書聲慚媿辭梅竹吾非故負盟

關中梅竹皆余手栽

逼處人偏急飄飄我失居護門空有草頰尾却同魚作合

勞良友

空舍之徒皆讓水  
語石兩君作合

奔馳費簡書雖於塵俗近不出

卽精廬

依樹修廊曲當軒疊石奇還攜舊時硯來寫近吟詩種竹

應乘醉

五月十三日  
爲竹醉日

揩桐卻笑癡原非執畱狗瀟灑不成

思

莊子執畱  
之狗成思

家具不充室庭除痛剪萊何曾鳩逐鵲敢望柱生槐

用韓偓事

此地能銷夏今年正送梅

時正梅雨

未須愁寂寞笠屐故人來

六月十日移家甫定程韻篁自靈隱寺歸錫山停帆

過訪小酌愛石軒燭未見跋而別

綠舫連宵摻袂分能來知子意慙歎葛衫尚染湖波色簾  
笠猶沾鷺嶺雲聊止客談惟有酒新除園草卻無蟲匆匆

又是黃昏別叢桂香中更遲君

韻算期中秋前後  
重過作數日留

題松芝孔雀二圖爲陳振巖坤六十壽

千尺虬松五色芝松風芝氣曉晴時  
人間炎暑飛難到只有流霞入酒卮

巖前對舞各優游五采圖文燦未收  
何不也隨元鶴去青天碧海助啣籌

苦熱

今年初伏涼似秋西風吹雨聲颼颼  
第二庚忽肆毒熱如張火繖披重裘  
羽揮不顧脫手腕汗灑直可漂蚍蜉  
犬呀欲死牛吐舌見北史崔巨倫傳  
庭樹半焦金欲流夜來枕席炙項  
背急起露坐看斗牛因思沐髮挽銀漢  
雙脚赤踏層冰游

飽餐峨眉太古雪高臥玉京十二樓鞭龍掣電作雷雨頃  
刻涼氣溢九州更攜一物餉妻子玉井之瀉長於舟須臾  
假寐神見夢狂士妄念天所尤不見耘田夫袒背赤日焦  
肌膚又不見囚在獄髮長覆面汗注足爾前有室兮後有  
堂窗戶洞達兮開相當杜門卽是廣莫野獨酌遠過河朔  
觴人生寒暑只意造靜者何地非清涼我聞神言啞然笑  
熱中熱外豈同調我心已是寒水玉不怕崑岡炎火燎我  
身未化冷秋菘結想青霞安足誚神更欲言我已醒露華  
沾體風泠泠只愁五更日又出依舊蟲蟲滿戶庭

自歎

愁來空對酒盈卮自度腰圍自摘髭垂老尚無孫在抱長



齋牘有婦齊眉生涯一笑同推磨世事閒看似奕棋偶爾  
夢醒還入夢何年真是夢醒時

七月六日督三婢早起除草小園以瓜犒之

奴懶方勞婢鬢髮綰髻了拔根如去疾滿把莫傷花但使  
無滋蔓何妨露魄硤計功應犒汝涼水正浮瓜

題童衡畫馬

韓幹畫馬師曹霸初但畫肉品斯下後來骨肉始停勻見湯

星畫乃歎毫端若有神同時韋偃亦擅此禿筆頻拈日數

紙斲草嘶風態總殊盡妙全真輩無比童君善畫古是師  
幹也偃也兼似之興隨筆落貌三馬神駿不受韁勒羈一  
馬滾塵塵漠漠一馬怒蹠一馬卻恍看電影筆頭生疑有

長風紙上作愛君好手爲君題試軸檀香囊綠綵尋常慎  
勿輕挂壁只恐行空去無跡

瘦

眼光如昔領頤非腰領都寬舊製衣敢比杜陵耽句瘦差  
勝郭重食言肥清癯未必同梅韻輕利狂思跨鶴飛自此  
不須頻攬鏡帶圍從減鬢從稀

七月二十一日露坐獨酌

嗃嗃嘻嘻總可嗔但憑杯酒一怡神秋風滿院如私我貧  
飲無肴肯羨人聒耳正須蟲共語低頭卻喜犬相親從教  
醉坐無燈燭耿耿星河耀九旻

八月二日薄暮大雷雨獨酌

雨腳急如注，霆聲去又回。滄溟波倒瀉，崧華石齊隕。且喜驅殘暑，何妨酌大杯。片時雲散盡，霞起夕陽開。

遲范讓水許久不至以詩促之

去日江天足芰荷，見時金粟合攢柯。湖山豈解畱君住，詩酒懸知好客過。荒矣小園從鍵閉，兀然孤影自吟哦。銀濤八月真奇絕，煩寫圖來起宿疴。

老少年

不識春風惠，唯知玉露寬。粧成十櫬錦，鍊就大還丹。永謝雲鬟插，差宜醉面看。悠然矮籬下，閒倚白雞冠。

百禽

百禽各異聲，雞忽爲鳳鳴。未必是祥瑞，只愁遭鼎烹。主人

垂德澤一笑還爾生從此安飲啄慎勿希虛名

蜘蛛

葵酣大肚狀堪憎鎮日檐前巧自矜如此經綸成底用只  
應爲網啖蚊蠅

螢

籬根牆角五三俱黍大寒光有忽無偶逐微風到高處賺  
他兒女作星呼

蝨

胎於垢膩血爲糧縫裏滋生絮裏藏莫便笑居頭者黑彼  
還羞爾處禪襠

蝸

頭角崢嶸也是奇，弓腰屈曲雨中移。  
銀泥滿壁從人看，且到涎窮力竭時。

九月二十二日愁坐無聊，招范讓水仲青巖汪杏圃、  
陳蘭皋、吳語石展重陽之會於五硯齋。是日黃花未  
放，細雨如塵，雖飲不盡歡，烏可無咏。卽依東坡九日  
黃樓韻各賦一篇。

悲秋心事那堪說，坐聽鄰砧清響發。  
濛濛細雨弄西風，殘桂飄階苔砌滑。  
書招近局展重陽，不管街泥汙客襪。  
籠中瘦蟹足爬沙，鉤上鮮魚腮呀呷。  
速烹二物佐清尊，已看愁城隳利鋪。  
黃花底事太無情，忍令今年風景殺。  
雄談雅論相循環，一任塵塵與剝剝。  
豈如世人樽俎間，利口機心互

排軋請依險韻和蘇詩但取成篇莫相壓汪君把筆最先  
成舌可生花齒從齧杏圃齒早缺齧酒酣雨止盤中空厨婢猶知  
羹臠鴨倘能劇飲到花開村醅不盡源如雪

展重九會後二日讓水以北地蔥蔬見餉仍依前韻

奉謝

北游舊事休重說何物能令清興發只有寒蔥與晚菘談  
次今猶涎脰滑歸來也擬闢荒園兩腳拚教泥不襪肥於  
牛肚白於晶蠶可醒醒羹可呷豈知土性異燕吳不覺烟  
苗變鉏鍤喜君舊僕燕山來二美兼攜霜未殺分餉詩人  
藜莧腸不供僧饌東西刹十年風味幸重親千里塵沙嗟  
軋軋冰心不損雪膚腴神品都將膏膩壓生餐熟嚼我皆

諳有齒何勞愁缺齧倘能不盡源源來請便從今斷猪鴨  
作歌聊以報先施風雨簷聲方霽霽

是日大雨

十月五日吳穀人枉颿留飲言冬杪卽當赴闕并話  
西溪風景是日范讓水在坐先成七律一章因次其

韻

游櫂頻年此日過

去年亦於此日過訪

夾溪紅蓼照清波依然燕領

知君健爾許霜髭笑我多爐硯不殊非舊字杯螯相對且  
長哦從今莫話歸休事泉石終如綬佩何

觀雪樵爲子娶婦有感

淨掃軒堂布几筵  
沸街簫鼓擁香輶  
莫言婚嫁從今起  
先我爲翁十四年

老大猶蒙顧復恩

雲樵老  
母無恙

明年又弄抱中孫  
門庭樂事君

都占那管傍人拭淚痕

雨中仲青巖招飲陳盆菊數十種卽席同范讓水汪  
杏圃陳蘭皋吳語石分賦以陶公采菊東籬下悠然  
見南山句平字爲韻得悠字二首

十弓小圃恣優游好種年年秔菊收容我輩狂  
頻作會似今朝樂不知秋探鬪異縣聯吟侶

讓水語石  
家武林

繞座寒香共

白頭多謝西風吹雨散

午後  
晴

簾鉤紅日正悠悠

看君家菊五經秋菊自精神我自愁  
暫返朱顏憑酒染得陪高格倩詩酬  
枕中勛業空遭際紙上才華總謬悠  
何似與花同老壽年年大白爲渠浮



五硯齋詩鈔卷十六

王

仁和沈赤然

韞山

寄愁集

正月四日吳語石踏雪過訪主客相戒勿揖卽出紫  
芥菹對傾兩壺而別明日語石寄示七律一篇次韻  
荅之

庚申

方除庭雪積牆隈卻喜花龍吠客來無可侑觴唯紫芥差  
堪入眼臘黃梅齒增益覺形骸癩醉甚都忘歲月催便欲  
與君同訪戴

時與語石讀德清戴民彥詩鈔故云

清谿何似剡溪回

人日前一日同人復集五硯齋小酌吳語石范寶樹  
恕仍用前韻賦詩索和走筆酬之

五石齋詩集卷十六  
相望南北隔河隄泥滓休愁履襪來但有酒能頰面頰別  
無肴可和醯梅清遊景負斜川好寒氣花思羯鼓催金勝  
菜羹明日事登高須上果山回

謝汪太常璘贈詩卽次原韻

塵事方窘身光誦忽到眼芳靚刻無期神交地難限嗟余  
山野心墮官不樹產吟詩蒼蠅鳴作字春蛇縮鼎鐘付壺  
觴琴欽視靴版散木安用之匠目空院院與君共鄉里相  
失如轉棧豈不思所欽未同言則赧因緣一朝至情素托  
牋簡從笑論癡符就正呈著撰敢辭艾葉熏聊伯手中璣  
辱贈霞上作粹美無可揀昌黎句甚媿譽過情溢詞願從剗  
相期在中春心寫共一莞

新正苦雨晚飲口占

春前春後連宵雨，杯淺杯深背壁燈。  
里俗繁文刪漸盡，酒家新債料應增。  
曾無樂事憐兒女，剩有吟情荅友朋。  
憑藉西風翦檐溜，獨尋梅去不扶藤。

十七日早起庭雪深三尺許，煮水烹茗欲遊無伴賦  
四韻寄吳語石

曉起開門一望驚，雪深如許夜無聲。  
粘連天地模糊小，浩漫郊原熨貼平。  
烹水試茶吾樂事，繞林覓食鳥飢鳴。  
也知笠屐清游好，爲問何人結伴行。

小園坐雪口占

一夜積天葩，大地盡鹽浦。  
非惟至牛目，直可沒膝股。  
蒼雲

五石齋詩集卷十一  
壓益低北風號轉怒將墜還倒飛急下忽迴舞寂寥坐小  
園浩然塞堂廡誰展銀光牋待題字丈五怪石失本形化  
作雪毛虎老藤成白虬天矯弄雷雨葉密松易團枝弱竹  
齊俯點點將綻梅盡飽飢鳥吐清氣沁詩脾寒光照眉宇  
疑入廣寒宮獨試修月斧嘗聞深山中積雪自太古我欲  
乞龍公私此一塊土畱過盛夏時幸免炎熱苦

遲范讓水久不至書悶

頻訂期來竟不來南枝梅落北枝開往還語絮書成東唱  
和人稀硯易埃春水乍添應放櫂小園初霽待銜杯莫言  
舊雨勝新雨一日思君一百回

送邱丈省齋就養令嗣稼堂刑部京邸

八十老翁何所求攜家又上木蘭舟非緣郎署看萊綵肯  
拓船窗數驛樓帆穩江河春水滿詩成風物錦囊收懸知  
芍藥花開候好向豐臺曳杖遊

讀十國春秋五十六首

楊溥

江淮南北好洪基錢眼難穿祚已移羊子可憐無舍日鯉  
魚正是上天時江心詩句遷宮淚樓裏經聲辟穀飢一擲  
香爐成底用枯楊從此不生枝

李景

南岳真人貌不如龜頭殿裏卻耽書樓臺縹渺香千種將  
相披猖鬼一車懷信驛開輪歲貢檀來歌唱遍民廬早知

不了公家事長對青山瀑布居

李煜

百道攻城悉宋兵殿前猶唱榜頭名櫻桃落盡家山破墨  
帖焚來社稷輕隔障梅花空有夢一江春水總無情舊臣  
寥落嬪姬散博得金陵巷哭聲

劉夔

安豐帽遍五羊城天子風流漫自矜無可信人增宦豎最  
行樂地看烹蒸生前總喜珠爲殿死後還教鐵錮陵不信  
蒼蒼愛蛟蜃一方荼毒到孫曾

劉鋹

宴罷紅雲擁媚猪殿中銀柱海中珠朝廷大柄歸闍黨寶

幄香風著女巫洗口譖行空立廟瀧頭險度坐成俘不知  
去作降王長何似蕭閒一丈夫

王衍

一笑長泉里畔麟居然祥瑞爲伊人才華豔說烟花集粧  
東驚看灌口神但詫東行能耀武豈知西宅已蒙塵秦川  
驛里全家血化作年年草上燐

孟昶

甲第先營五百間長鞭眞個去朝天被頭錦尚縷雙穴城  
上花空看廿年速禍悞從昭遠計懷忠悔失彥儔賢莫嗤  
忘國同王衍猶有蒼生哭道邊

馬希範

五包列言金卷十一  
四  
何須迎立德袁詒自是衡陽不永年天策府開樓十六銀  
槍都選卒三千深閨女豔尼搜室重賦人逃草沒田浪說  
飛升當有日請看高郁現江邊

馬希廣

碧湘宮裏任梟飛僕射洲頭縱虎歸蠻卒惟貪官帑富漢  
兵難解玉潭圍徒搏土鬼如兒戲空被緇衣繞佛祈一個  
鈍夫容不得瀏陽門外草菲菲

錢侗

銀燭千枝酒在尊逆臣已鉤義和門痛無大力全昭券喜  
得餘生托薛溫花底遺懷詩句滿山頭行樂鼓聲喧由來  
遜國如玉少請看長沙衆弟昆



錢俶

拋卻江山尺紙中，當年九國問誰同。  
益恭臣節逾先世，異數天家越上公。  
金鳳幾曾愁掣搦，流星忽又墜長空。  
最嗟一事無遺表，不乞靈輜葬浙東。

王延鈞

隱約黃龍見宅傍，冕旒初御列鸞行。  
惟知股削從文傑，不惜威權付福王。  
屏隔水精藏祕戲，堂開甘露會傾筐。  
鏤金帳裏神仙死，一笑憑誰問寶皇。

王繼鵬

處處丁錢計口攤，紫微宮裏水晶寒。  
父猶兵死寧論弟，馬且侯封況鬻官。  
花雨初開三昧宴，香烟難覓大還丹。  
梧桐

嶺畔妻孥盡博得團圓地下歡

高從誨

望沙樓下水滔滔戰艦橫陳亦足豪好事遣人圖石筍風  
流出妓抱檀槽千金恨不逢良駿九鍊徒教真寶刀莫笑  
四鄰呼賴子誰如渠國少驚惶

劉旻

吾兒爲帝更何求天子雕青竟號周叔父從今稱北國將  
軍若個似黃驢十州無復蒼生樂一綫聊爲漢祀爾却笑  
太原空立廟誰人能續李驤頭

劉信

彷彿轅門射戟牙淮陰自比得無誇此心難得徐溫信六

子當益枉渾花

周本

軍旅天生事事諳  
戰功先數象牙灘  
建康勸進臨川死  
垂老聲名敗少男

朱瑾

墳土徒能使瘡瘳  
又拋殘骨入江流  
全家換得三郎首  
可悔當年殺李球

徐溫

曾無勛績比劉陶  
父子更番擁節旄  
誰說令公忠孝德  
白袍終不似黃袍

宋齊邱

延攬方看幕府開  
衆賓誰似子嵩才  
陰謀密議無人與  
畫盡爐中鐵筋灰  
昔夢乘龍果上天  
錦衣坊裏錦衣鮮  
休悲命盡青陽第  
蚶蛟磯頭更可憐

皇甫暉

清流關下竟成擒  
一死聊明報國心  
只有滁人知此意  
五時鐘撞到於今

江文蔚

果然疏上眨江州  
延已車前又八騶  
傳寫彈文真不媿  
惜無一字及齊邱

潘佑

諫疏空勞上七封亂朝肯爲直臣容安排一死酬君國仍  
上青天跨白龍

劉仁瞻

紫金山破主臣懍從此江南是小邦一死誓同孫相國肯  
教兒子去生降  
黃沙如霧晝冥冥忠義眞堪泣鬼神感謝君王焚誥意此  
身原不作周臣

韓熙載

生前書枉傳黃石死去墳偏傍謝安贏得風流被江左年  
年新樣製衣冠

徐鉉

啼笑皆難苦自禁  
臨文徒有故君心  
邠州一去無還日  
曾否先亡羨楚金

王元膺

清風樓下苦相攻  
猥喙蛇睛果不終  
却怪太師加道襲  
嬖臣畢竟勝東宮

王宗弼

先收璽綬取金珠  
拱手開門賣蜀都  
百二十人皆養子  
如何偏信魏宏夫

杜光庭

長別天台入蜀中  
便紆金紫作三公  
師儒只有先生好  
却看元膺昵樂工

相傳曾與異人逢手裏驕龍拄杖紅一自青城尸解後可憐人占故王宮

李昊

不惜黃金買衆姝風流近事說花酥休嘲兩度修降表形已真容院裏圖

王昭遠

如意頻揮號令嚴劔門破後一軍殲平生空讀兵書遍才具唯堪任捲簾

潘崇徹

桂州城上月娟娟刁斗無聲士卒眠八百伶人吹玉笛轅門深閉夜開筵

龔澄樞

千秋門外巨闈誅同惡相看薛李俱悞信讖書龔改龔不知亡國是澄樞

羅隱

名場已沮韋貽範知己空逢羅紹威不是憊然歸故國白頭飄泊竟何依

二氣長消集散亡錢塘猶賸海棠香當時漫作詩人看建議誰能勸討梁

杜建徽

一笏惟堪虎子傳四朝勛業莫能先黃金散盡心如水只有毬場樂暮年



江景防

百年苛斂困蒼生何忍重將舊籍呈  
拋付洪流甘待罪一官早視羽毛輕

崔仁冀

納土全歸十四州見機原不爲身謀  
卻憐鮑約無尋處海上年年望釣舟

吳仁璧

文星一夕位看移父女江心飽鮪鯢  
如此墓銘猶不作却教人世笑昌黎

陳洪進

更比錢王早識幾一門萬石古來稀  
不知可念徐昌嗣逃

死飄零尚未歸

陳金鳳

十年恩寵冠春宮，爭似歸郎宿帳中。  
血染蓮花山上土，爲誰猶作淺深紅。

李春燕

嫁得儲君勝阿爺，紫微宮更麗東華。  
風懷不與身俱盡，又化鴛鴦滿樹花。

王延彬

爲詩爲政兩無妨，招寶頭銜屬侍郎。  
悞信浩源幾不免，紫芝白鹿果何祥。

徐寅

觸諱纔離虎口歸故邦幕府又長違空誇三賦泥金寫依舊生涯落釣磯

周行逢

有藥何勞滅面文六年坐擁十州軍休嗔巾幗無知識遠慮平生媿細君

高郁

卻陷功臣作叛臣覆盆冤獄幾時伸西山若肯歸休早獅子焉能便咋人

徐仲雅

十八人中最少年平生意氣自衝天行逢差覺勝黃祖遂使徐郎獲倖全

梁震

白衣參盡幄中謀無負君王老便休一種清風滿荆渚常披鶴氅跨黃牛

孫光憲

天命誠知有所歸獨持降議莫能違雖非賣國爲身計臣節終應媿景威

李景威

此身甘與國同休忍墮中朝假道謀聞殺控弦三萬卒卻教孫監得黃州

李驥

經濟才偏不保身誰教畫計爲愚人太原祠廟君知否門

外年年戰馬塵

衛融

不覓河東問道還漢家官入宋朝班當年若使無良藥一  
死居然重太山

劉繼顒

添都馬獻礦銀成心計能教國用增聞講華嚴經一卷太  
師原是五臺僧

哭汪杏圃

三年詩酒最相親臥病憐君二十旬便與故人成永訣那  
堪吾道竟長貧傳經未畢書空校坐榻猶橫硯已塵零落  
壁間誦唱句一回吟罷一傷神

高濡人挽詞

母儀婦德兩無疵四十年來內外知禍慘三旬雙壁碎限窮六月紫萱萎蒼茫天日悲潘岳品藻闈門問濟尼恩到九原應不遠梧桐已挺七孫枝

傳經圖爲范讓水題

藍田生玉理可必袞師美秀果無匹兀坐閒庭一事無不召爭來繞爺膝大兒手孝經問此何所述小兒讀論語背誦不失一人生有子盡如此安用黃金遺萬鎰嗟予垂老謝世營愚兒日勞夏楚并一經匝歲授未畢空腹曾無百字撐便當驅之事犁耙誰能几上經徒橫羨君兒孫竝佳絕龍駒蹀躞雛鳳鳴從今授受在門內何必鏗鏗楊子行

聞捷誌喜

梗化頑民忽五年跳梁秦蜀散還連固知疥癬原非疾誰

使藪麻更蔓延

藪麻川陝間惡草見墨莊漫錄

肝食

至尊勞廟算專征元老逐烽烟欣傳蚊蚋吞將盡萬里春  
風看種田

咏月餅限三肴韻

爲取團圓意家家餉昵交堅疑煩兔擣懷不藉梯穰噉處  
蝦蟇蝕分來玉屑拋雖無丹桂影香自一輪包

不寐

北風破窗紙聲如叫餓鴟又若風箏響嘹亮雲中移將斷  
忽復續前唱後和之猛作山鬼嘯驚起腳後兒抱爺不釋

三石齋詩集卷一  
三  
手呼燈一何癡強起祛兒惑爲裂壞絮塞孔多風益尖排  
籤十指直却惱雙婢慙駒駘來榻側斲耶與風耶相雜辨  
不得急引被蒙頭不聽聲自息

放歌

君不見地上土皆是古人血肉腐又不見地下金皆是古  
人埋到今今人得之用不盡身已黃泉伴螻蛄何須竊笑  
古人愚畢竟後人還爾哂貧兒無一錢有時乞食終天年  
富兒米萬斛誰能一餐五斗穀他時相遇九原中赤手交  
看彼此同苞苴難入阿旁手關節不到閻羅宮豈如我富  
不在己衣無求華食無旨人間山水盡園林天上雲霞皆  
錦綺東家紅腐粟西家朽貫錢主守何妨暫勞彼平生況



有翰墨娛寇盜不剽藏書厨黔婁猗頓任來往以我視之  
初無殊持此語人大笑誰識斯言旨趣妙請看山下土  
饅頭不葬金銀葬髑髏

將進酒二首

將進酒何所有揮斥魚鰕屏除蔬韭請君侑我以談天之  
口清都紫微瑤臺金闕久厭聞試言六合之外誰主守爲  
進酒盡三斗

將進酒何所有離騷漢書姑令覆瓿請君侑我以舞劍之  
手陸剽虎豹水斬蛟龍未足奇但截斷黃河不使復東走  
爲進酒盡八斗

大人

三石齋詩集卷之二  
三  
俯首視北斗舉足蹴九州虹霓爲韞繫列宿綴兜牟籠調  
大鵬食釜煮靈鼈頭戲提五岳擲天外一口吸盡滄溟流

遊仙

母事西王母父事東王公廣成弟畜我折簡招我遊崆峒  
崆峒遊不足飄然揮手超洪濛天門蕩蕩過不入追逐日  
月西復東下視海中三山大如粟倦遊捷下蓬萊宮蓬萊  
仙人多如麻乘龍駕虎紫鳳車不能一一問姓氏但覺顏  
盡如桃花神芝香覆白鹿臥青鸞俯啄黃精芽羣仙爲我  
酌流霞一飲三百盞醉眠欹枕須彌瓜醒來不記幾千歲  
老卻麻姑萼綠華

待雪

連氛累靄態多般，知是天花剪出難。  
鴉鵲盤空聲益急，溪山無色意先寒。  
安排玉戲從頭飲，勾引兒童仰面看。  
傳語封姨促膝六朝朝，相候酒瓶乾。

聽雪

推出寒光捷掩帷，此聲惟有臥聽宜。  
密如食葉春蠶急，疏似行沙餓螿遲。  
鬆脆敗檐欹墮處，蕭騷高竹壓垂時。  
曉來一陣瓊瑤碎，報道羣鳥正踏枝。

烹雪

彭亨石鼎狀偏奇，遭際欣看煮雪時。  
活火細添如鍊汞，寒聲初沸似融脂。  
何人解與名泉品，此味難教太尉知。  
自淪龍芽盡三椀，酒腸淘淨出清詩。

掃雪

帶下寒聲響霽朝  
介然開處勝湯澆  
幾團濕玉堆深巷  
一棧晴泥達小橋  
彷彿可尋鴻印在  
往來無定屐痕消  
清光減卻寒威斂  
曲斷山童半日腰

題陳振巖秣馬北征圖二首

壯志年年牖下銷  
北征新得紫騮驕  
情懷肯說霜侵鬢  
粧東方看綬綰腰  
烟外驛連高柳暗  
風前塵隱暮山遙  
五雲深處神京在  
蹤迹從今遍市朝

十年我已倦遊還  
圖裏看君正著鞭  
可是軟紅塵內路  
安於淨淥水邊船  
囊琴匣劍初遊地  
榆筴楊花首夏天  
記取鳳城風物好  
歸來兒女話燈前

哭仲青巖二首

瓦盆傾盡雪中歸

十一月十五日青巖策杖過訪因畱地小酌已而天雪別去自是遂不復至

下人間遽兩違和扁定無醫老藥兒孫難駐墜西暉七年於我蹤尤密五福如君世亦稀悽絕影前香一炷鬚麋宛似醉顏非

筇杖依然掛壁間重來感舊淚潛潛此生緣薄交偏晚何處仙遊去不還獨鶴叫寒雲外路紅梅開徧海中山從今老伴清尊地無復先生再款關

黃梅花下懷范讓水不至

知是先生只戀家檐頭空聽鵲楂楂消寒會杳詩腸澀開盡黃梅一樹花

五硯齋詩鈔卷十六終